

西湖三祠名賢考畧



先覺目次

漢

嚴光

晉

謝安

唐

郭子儀

宋

林逋

沈括

趙汝愚

王十朋

楊簡

元

許謙

明

宋

商

王守仁

茅瓚

凌立

邵經邦

高儀

高

榮

榮

李

刺

王

陸

歐陽修

楊

張九成

葛

王應麟

仇

王

陳

李

茅

柴

高

宋

陳

宋

凌



先覺目次

卷一

凌登瀛

王思任

楊廷筠

張蔚然

翁汝遇

洪瞻祖

李之藻

勞永嘉

葛寅亮

陳龍正

柴紹勛

郎兆玉

徐尙勳

宋秉賢

艾南英

柴世埏

章國佐

吳太冲

張懋忠

錢喜起

張元徵

徐恕

李流芳

聞啟祥

聞啟楨

盧昊

盧璋

柴應槐

柴紹輝

盧復

陳雲渠

陳肇

張元

先覺目次

二

卷二

嚴調御

嚴武順

嚴敕

李元暉

吳之龍

徐繼恩

郭嗣汾

國朝

福喇塔

朱之錫

徐旭齡

陸隴其

徐潮

沈近思

洪吉臣

洪秉銓

趙廷標

胡宣

項景襄

詹惟聖

顧豹文

嚴沆

吳鏞

嚴曾築

盧璉

盧琦

王霖

陳張相

郎廷泰

柴謙

凌萃徵

張遂辰

汪澄

汪灝

虞鈞

應擢謙

柴紹炳

陳廷會

茅起龍

王至健

虞穆

張右民

胡介

陸嘉淑

徐繼聖

王佑賢

盧之頤

張嵩

陸圻

陸堦

陸堦

陳麗明

陳祚明

陳晉明

陸繁昭

陳曾篁

陳曾毅

高傅

孫浣思

俞時篤

吳震衛

周拱辰

先覺目次

三

卷一

章士斐

章戡功

章撫功

王脩玉

陸進

宋鼎銓

張穎荀

張麟

嚴曾槩

汪廷俊

方擢

項日永

盧楚

盧鉅

陳季方

盧必陞

趙啟裕

徐脩

呂蘭

盧文昭

梁同書

梁玉繩

汪中

章學誠

邵晉涵

龔鞏祚

胡敬

項名達

邵懿辰

伊樂堯

王有鈞

馬晉蕃

黃式三

許 樾

許 楣

戴 煦

補舊祀

洪福星

金歧宋

劉何實

劉萬祺

周于宣

章長玉

趙梓木

章程伯

趙遜志

張元呂

凡一百七十八人

補遺

勞永嘉

先覺目次

四

卷二

西湖三祠名賢考畧

丹徒戴啟文子開纂輯

仁和孫峻康侯參訂

先覺

漢處士嚴公光

嚴光字子陵餘姚人少有名與光武同遊學光武卽位乃變姓名隱身不見帝令以物色訪之齊國上言有一男子披羊裘釣澤中帝疑是光遣使聘之三反而後至車駕卽日幸其館復引入論道故舊因其偃卧光以足加帝腹明日太史奏客星犯御座帝笑曰朕與故人嚴子陵共卧耳除諫議大夫不屈耕於富春山後人名其釣處爲嚴陵瀨

西湖三祠名賢考畧

一

卷二

馬後漢書

晉衛將軍開府儀同三司封建昌縣公贈太傅諡文

靖謝公安

謝安字安石陽夏人神識沈敏高卧東山累辟不就及弟萬廢始有仕志桓温請爲司馬後拜侍中時苻堅强盛加大都督安遣弟石等徵討破堅驛書至方對客圍棋了無喜色其矯情鎮物類如此以總統功進太保都督十五州軍事雖受朝寄東山之志始末不渝及遇疾乃上疏請還都尋薨

唐尙父太尉中書令封汾陽王諡忠武郭公子儀

晉書

郭子儀字子儀鄭縣人天寶間充朔方節度使率師收長安取東都肅宗曰國家再造卿力也代宗不名呼爲大臣德宗嗣位賜號尙父薨年八十五子儀事上誠御下恕賞罰必信握兵處外讒間不行以身爲天下安危者二十年較中書令考二十四八子七壻皆貴顯諸孫數十富貴壽考哀榮終始人臣之道無闕焉

新唐書

唐兵部侍郎同中書門下平章事贈兵部尙書謚宣陸公贄

陸贄字敬輿嘉定人十八第進士德宗立召爲翰林學士帝親倚雖外有宰相主大議而贄常居中

西湖三祠名賢考畧

二

卷二一

參裁可否時號內相及輔政有可否必言或規其太過對曰上不負天子下不負所學違他恤乎自裴延齡讒短百緒遂貶忠州別駕旣放嘗閤戶人不識其面又避謗不著書順宗立詔還未至卒

新唐書

宋處士賜謚和靖先生林公逋

林逋字君復錢塘人少孤力學不爲章句弗趨榮利衣食不足晏如也結廬孤山二十年足不及城市眞宗聞其名賜粟帛詔長吏歲時勞問嘗自爲墓於其廬側旣卒州爲上聞賜謚和靖先生逋善行書喜爲詩就稟輒棄好事者竊錄之所傳三百

餘篇宋史

宋參知政事兵部尚書加太子少師贈太子太師諡

文忠歐陽公修

歐陽修字永叔廬陵人四歲而孤母親誨之家貧  
晝莸學書既擢甲科遂以文章名天下知諫院時  
切直敢言出為河北都轉運使左遷知滁州徙揚  
州潁州後遷翰林學士俾修唐書知貢舉時文尚  
太學體痛排抑之其習遂變及執政盡言無隱怨  
誹益眾黜知亳州青州再徙蔡州求歸愈切許致  
仕著有五代史記集古錄宋史

宋資政殿大學士加太子少保贈太子少師諡清獻

西湖三祠名賢考畧

三

卷一

趙公抃

趙抃字閱道西安人進士及第為殿中侍御史彈  
劾不避權倖京師目為鐵面御史請知睦州後知  
成都以一琴一鶴自隨為政簡易未幾擢參知政  
事朝政有未協者必密啟聞拜資政殿大學士出  
知杭州復知越州時吳越大饑疫死者半抃盡救  
荒之術生者以全及致仕其子旼提舉兩浙奉抃  
徧遊諸名山吳人以為榮宋史

宋光祿寺少卿沈公括

沈括字存中錢塘人擢進士第編校昭文館書籍  
累擢為河北西路察訪使歷陳三十一事詔皆可

之後加龍圖閣學士得專軍政以夏人襲綏德不能授謫官繼以光祿少卿分司居潤八年卒括於天文方志律厯音樂醫藥卜算無所不通皆有論著又有筆談多載朝廷故實耆舊出處傳於世宋史

宋龍圖閣直學士諡文靖楊公時

楊時字龜山將樂人潛心經史中進士以師禮見程顥於穎昌又見頤於洛杜門不仕者十年久之歷知潯陽餘杭蕭山三縣皆有惠政召爲祕書郎累擢徽猷閣待制高宗卽位丐外以龍圖閣直學士告老致仕時浮沈州縣四十七年晚居諫省僅

九十日凡所論列皆切於世道以著書講學終老

西湖三祠名賢考畧

四

卷二

林泉四方之士不遠千里從之號曰龜山先生

宋史

宋延康殿學士京城留守兼開封尹贈觀文殿學士

諡忠簡宗公澤

宗澤字汝霖義烏人元祐進士豪爽有大志爲龍

游令設師儒講學風俗一變後從康王起兵至開

德十三戰皆捷勸王檄諸道兵會京城自以孤軍

進金人大敗退卻王卽帝位澤知開封府招降巨

寇數十萬威聲日著請上還京二十餘奏爲黃潛

善等所抑疽發於背曰吾以二帝蒙塵積憤至此

大呼渡河者三而薨

宋史

宋右丞相追封福王諡忠定趙公汝愚

趙汝愚字子直漢王元佐七世孫早有大志擢進士第一歷官至右丞相給事中黃裳言汝愚事親孝事君忠居官廉憂民愛國出於天性國子祭酒李祥言汝愚勳勞著於社稷精忠貫於天地卒爲韓侂胄所忌嫉御史胡紘疏汝愚倡引僞徒謀爲不軌乘龍授鼎假夢爲符詔永州安置汝愚就道至衡州病作爲守臣錢鏊所窘暴卒

宋史

公諡文忠

宋宗正少卿兼侍講權刑部侍郎贈太師封崇國公諡文忠張公九成

張九成字子韶錢塘人紹興二年策進士擢置首選授鎮東軍僉判爭恤刑提刑張宗臣怒卽投檄

西湖三祠名賢考畧

五

卷二

歸從學者日眾多爲聞人屢以薦召除宗正少卿兼權刑部侍郎金人議和九成獨異議檜惡之謫居南安檜死起知温州戶部遣吏督軍糧民苦之移書痛陳其弊戶部持之遂丐歸病卒

宋史

崇國公

宋秘閣脩撰贈寶謨閣直學士追封徽國公諡文朱

公熹

乘論對講學

朱熹字仲晦婺源人幼穎悟授以孝經一閱題其上曰不若是非人也登進士第五十年仕於外者僅九考立朝纔四十六日屢薦召對極陳修德任人之說嘗曰平生所學惟誠意正心四字豈可隱默以欺君乎慶元四年以年近七十乞致仕五年

依所請明年疾革正坐整衣冠就枕而逝著有易  
本義啟蒙著卦考誤詩集傳大學中庸章句或問  
論語孟子集註太極圖通書西銘解楚詞集註辨  
證韓文考異所編次有論孟集議孟子指要中庸  
輯略孝經刊誤小學書通鑑綱目宋名臣言行錄  
家禮近思錄河南程氏遺書伊洛淵源錄儀禮經  
傳通解

宋史

宋龍圖閣直學士謚忠文王公十朋

王十朋字龜齡樂清人敦孝友有文行聚徒梅溪  
受業者百數入太學生上親政策士嘉其經學淹  
通議論醇正擢第一授紹興僉判裁決如神召爲

西湖三祠名賢考畧

六

卷一

秘書郎累遷侍御史上疏言事帝皆嘉納出知饒  
州歷夔州湖州泉州凡四郡布上恩恤民隱所至  
人繪而祠之東宮建除太子詹事疾革累章告老

以龍圖閣學士致仕命下而卒

宋史

宋左丞相加少保謚文定葛公邴

葛邴字楚輔吳興人登進士第歷官疏奏皆切中  
時病紹熙四年拜左丞相專守祖法薦進人才甯  
宗卽位上言今日之事莫先於修身齊家結人心  
定規模判紹興府期會錢穀刑獄必親嘗曰十二  
時中莫欺自己其實踐如此改判福州道行感疾  
致仕薨有文集二百卷詞業五十卷

宋史

宋直秘閣著作郎兼國史院編修追封開封伯諡成

呂公祖謙

諡文獻公

呂祖謙字伯恭婺州人舉進士召試館職勉孝宗

留意聖學重修徽宗實錄書成進秩又命詮釋聖

宋文海百五十卷賜名皇朝文鑑除直秘閣遷著

作郎祖謙學以關洛爲宗而旁稽載籍不見涯涘

宋考定古周易書說闡範官箴辨志錄歐陽公本末

皆行於世

宋史

宋寶謨閣學士諡文元楊公簡

諡文簡

楊簡字敬仲慈谿人乾道進士授富陽主簿會陸

九淵過富陽問答有所契遂定師弟之禮擢紹興

西湖三祠名賢考畧

七

卷二

府司理行獄必親臨歷官至寶謨閣學士致仕其

論治務最急者五次者八所著有甲稟乙稟冠記

昏記喪禮家記家祭祀釋菜禮記石魚家記等書

宋史

宋禮部尚書王公應麟

諡文獻公

王應麟字伯厚慶元人九歲通六經淳祐進士擢

秘書郎應詔極論執政侍從臺諫之罪累遷至禮

部侍郎尋轉尚書疏屢上皆不報遂東歸所著有

深甯集玉堂類藁掖垣類藁詩考詩地理考漢藝

文志考證通鑑地理考通鑑地理通釋通鑑答問

宋困學紀聞蒙訓集解踐祚篇補註急就篇補注王

會篇小學紺珠玉海詞學指南詞學題苑筆海姓氏就急篇漢制考六經天文篇小學諷詠宋史忠帝

元處士諡文懿許公謙元史文懿妻官對翰林學士

許謙字益之金華人受業金履祥之門無書不讀

窮探聖微盡傳其奧入華山講學及門著錄者千

餘人不出里閭四十年中外名臣屢薦於朝皆莫

能致獨以身任正學之重遠近學者以其身之安

否為斯道之隆替焉所為詩文扶翼經義張維世

教有自省篇日之所為夜必書之世稱白雲先生

元史元史忠帝

元杭州路總管府知事仇公遠元史忠帝

西湖三祠名賢考畧 八 卷二

仇遠字仁近錢塘人宋咸淳中以詩名與白珽並

稱於吳下人謂之仇白若唐之皮陸也一時遊其

門者皆有名當時宋亡落魄江湖間元至元中部

使者強以學識起之為溧陽州學教授以杭州知

事致仕學者稱山村先生乾隆杭州府志

明翰林學士承旨兼太子贊善諡文憲宋公濂宋史

宋濂字景濂浦江人元薦授翰林編修以親老辭

入龍門山著書踰十餘年太祖召見除江南儒學

提舉改起居注詔修元史充總裁官授翰林學士

傅太子十餘年言動必以禮法召對隨時納忠帝

廷譽之致仕後以長孫慎坐惟庸黨安置茂州以

疾卒濂爲文深醇於學無所不通四方學者悉稱爲太史公不以姓氏

明史

明四川按察司僉事王公琦

王琦字文璉仁和人舉人除汝州學正召爲御史

都察院獄久淹不決悉委鞠審一時冤抑罹重刑

者咸得辨明尋升山西按察僉事提學先行後文

士類丕變改任四川兵備德威所被盜息民安尋

乞致仕歷官三十餘年清介絕俗晚年家居枵腹

以歿

嘉靖浙江通志

明吏部尚書加太子少保贈少保諡文敏姚公夔

姚夔字大章桐廬人正統進士鄉會試皆第一授

西湖三祠名賢考畧

九

卷二

吏科給事中陳時政入事成化四年時爲禮部尚

書以災異屢見陳請十事立報可五年爲吏部尚

書雨雪失時陳時弊二十事七年彗星見復偕羣

臣陳二十八事夔才器宏遠表裏洞達故朝議未

定者得夔一言立決九年卒

明史

明太子少保吏部尚書謹身殿大學士贈太傅諡文

毅商公輅

商輅字宏載淳安人舉鄉試第一正統十年會試

殿試皆第一除修撰帝親簡爲展書官入內閣參

機務以寰宇通志宋元通鑑綱目成屢晉秩擢至

吏部尚書進謹身殿大學士爲人平粹簡重寬厚

有容至臨大事決大議毅然莫能奪嘗以中官汪直督西廠數興大獄劾直十一罪遂罷西廠及謝政子孫林立居十年卒

明史

明廣東右布政使贈光祿寺卿諡忠愍陳公選

陳選字士賢臨海人天順進士授御史巡按江西盡黜貪殘吏督學畿南作小學集註以教諸生進按察使歷廣東左右布政使番禺知縣高瑤沒中官韋眷通番資鉅萬選移檄獎之且聞於朝眷誣奏選瑤朋比爲貪墨遣官訊之竟坐選如眷奏被逮士民數萬號泣遮留使者辟除乃得出至南昌疾作阻其醫藥竟卒

明史

西湖三祠名賢考畧

十

卷二一

明南京禮部尙書贈太子少保諡文懿章公懋

章懋字德懋蘭谿人成化進士授編修憲宗將以元夕張燈命撰詩詞進奉疏乞停止責以妄言左遷其官未行改南京大理左評事遷福建僉事政績甚著考滿力求致仕專以讀書講學爲事家居二十年中外交薦以親老堅不赴虛南監祭酒以待服闋始蒞任旋引疾歸後卽家進南京禮部尙書遣行人存問而懋已卒年八十六

明史

明兵部尙書兼都察院左都御史贈新建侯諡文成

王公守仁

王守仁字伯安餘姚人宏治進士以兵部主事抗

章乞除劉瑾杖謫龍陽驛丞後累擢右僉都御史  
巡撫南贛平巨寇擒叛藩論功進光祿大夫柱國  
嘉靖六年思恩田州土酋反總督兩廣進兵破各  
寨諸賊盡平未幾病甚疏乞骸骨行至南安卒守  
仁曾築室陽明洞其爲教專以致良知爲主學者  
翕然從之世遂有陽明學云明史

明南京吏部左侍郎李公旻

李旻字子陽錢塘人成化庚子鄉試甲辰廷試皆  
第一授翰林修撰歷兩京國子祭酒明習典禮振  
舉師模仕至南京吏部侍郎旻貳太常時值孝陵  
水災遣朱輔代祭幾紊儀等旻特疏於朝遂定兩

西湖三祠名賢考畧 十一

京遣祭之儀乾隆杭州府志

明四川按察司提學副使盧公雍

盧雍字師邵吳人正德進士官四川按察使提學  
副使與弟襄皆有文學文獻錄

明吏部左侍郎兼翰林院學士茅公瓚

茅瓚字見滄錢塘人少夢神人授二巨字文曰見  
滄因以爲號後讀書寶奎寺山顛始至夜大雷雨  
崖崩所居無恙質明露見滄二大字蓋故鏡理宗  
御書適與夢符中戊戌一甲一名歷南北祭酒禮  
部侍郎兼學士以吏部侍郎引歸雍正浙江通志

明廣西按察司副使茅公坤

茅坤字順甫別號鹿門歸安人進士宰丹徒有政聲歷官廣西副使有定寇功學文於唐順之得其轉折變化之法有白華樓集行世及評輯史漢哀選唐宋八大家諸書

雍正浙江通志

明雲南左布政使陳公善

陳善字思敬錢塘人從父荆獻遊王文成先生門文成曰此任道器也舉嘉靖進士三令巖邑擢郎官督學滇粵所至俎豆之仕至雲南左布政使疏止採金貢象諸大役時多其抗直未六十引年子告歸講明理學遵行古禮尤好施濟收掩道殣修

治塘嶺纂修杭州府志

雍正浙江通志

西湖三祠名賢考畧

主

卷二

明江西建昌府知府凌公立

凌立字子中錢塘人少孤事母以孝聞嘉靖進士官比部明允有聲遷建武太守多惠政爲僚黨所忌罷歸爲人爽朗明辨語多幹略奉節母色養備至老而彌篤母歿一痛骨立數月竟卒著有碧筠

館詩集四卷

乾隆杭州府志

明福建按察司副使柴公祥

柴祥字體泉仁和人嘉靖進士授中書舍人擢南京監察御史遂請養母神宗立召補山東道御史草三事俱切時政復疏言母病歸數年母歿起江西道御史巡按應天時江南大耄特疏爲民請命

詔子獨恤遷四川按察副使移福建讞獄多平反  
會與某巡按持論不合遂致仕

雍正浙  
江通志

明經略薊遼保定等處軍務兵部右侍郎加都察院  
右都御史宋公應昌

宋應昌字桐岡仁和人嘉靖進士累官至山東巡  
撫首請防海復營衛巡司舊制未幾倭破朝鮮聲  
言內犯詔應昌經略薊遼保定等處誓眾出關兵  
薄平壤進攻王京追及晉州倭乃遁去戰勝後拊  
惜傷殘招歸脅從善後之宜甚備其行軍揆事圖  
策老成宿將不能易也

乾隆杭  
州府志

明刑部廣東清吏司員外郎邵公經邦

西湖三祠名賢考畧

三

卷二

邵經邦字仲德仁和人正德進士授工部主事嘉  
靖八年冬十月日食時官刑官疏言以張璁議禮  
有功復召輔政爲近於私帝大怒下鎮撫司拷訊  
獄上請送法司擬罪帝曰不必下法司遂謫戍福  
建鎮海衛經邦之戍所閉戶讀書居二十七年卒

閩人立寓賢祠祀之

明史

明文淵閣大學士贈太子太保諡文端高公儀

高儀字子象錢塘人嘉靖進士授編修歷官至禮  
部尚書穆宗卽位諸大典禮皆儀所酌定有不可  
者堅持之居職甚稱會御史傅寵以先帝時撰文  
叩壇事劾儀四疏求去乃加太子少保馳傳歸歸

二年命以故官侍東宮講讀掌詹事府尋詔兼文淵閣大學士踰月帝崩預顧命未幾病卒

明史

明廣西太平府知府凌公登名

凌登名字梓崖錢塘人立長子隆慶庚午舉人歷

官徽州同知太平知府

武林者舊集

明禮科給事中凌公登瀛

凌登瀛字元仲錢塘人立次子隆慶庚午解元萬

厯丁丑進士天性孝友令揚州之興化多惠政入

為禮科給事中尤多建白卒於官行李蕭然人更

重之

武林者舊集

明江西按察司僉事王公思任

西湖三祠名賢考畧

十四

卷二

王思任字季重山陰人萬厯進士官至江西僉事

詩文學公安而放縱過之其可傳者在不食而死

雍正浙江通志

明順天府府丞楊公廷筠

楊廷筠字作堅仁和人萬厯進士授安福知縣擢

御史巡太倉會中旨取庫金三十五萬又礦稅之

使四出廷筠皆以疏諫出按江西以三吳民重困

權稅上減榷疏累遷順天府丞以魏忠賢用事遂

乞歸

乾隆杭州府志

明湖廣漢陽府通判張公蔚然

張蔚然字青林杭州人萬厯舉人授平湖教諭升

福安知縣歷漢陽府通判移疾歸少講學得考亭  
正派錢塘創修縣志邑宰禮聘爲總裁著有青林  
文集西園詩文廣集蓬居疑問數十種

清河張氏宗譜

明河南衛輝府知府翁公汝遇

翁巡遇字子先仁和人萬厯進士初授東筦令改  
榷蕪湖兩典名郡後守朝歌俱有惠政所在尸祝  
以勤勞卒於官

乾隆杭  
州府志

明巡撫南贛都察院右都御史洪公瞻祖

洪瞻祖字清遠錢塘人萬厯進士由翰林屢擢右  
副都御史巡撫南贛已進右都時閩廣黠賊匿深  
菁中官軍多失利瞻祖檄諸郡兵分路合剿歷蠻

西湖三祠名賢考畧

五

卷二

瘴中躬冒矢石斬渠燬巢奪還男婦無算四省合  
奏其功而瞻祖已乞骸骨家居二十年卒

雍正浙  
江通志

明太僕寺少卿李公之藻

李之藻字我存仁和人萬厯進士由工部歷官太  
僕寺卿素精天文崇禎初詔修曆法大宗伯首推  
之藻召供事採西洋法定五行七政歲差無訛已  
奉命兩治河漕咸著成績所著有簡平儀說領宮

禮樂疏

康熙仁  
和縣志

明巡撫山東都察院右副都御史勞公永嘉

勞永嘉

按朱文正公石刻有勞金  
粟先生失載其名待考

明戶部左侍郎葛公寅亮

葛寅亮字屺瞻錢塘人萬厯庚子鄉試第一辛丑  
成進士授南禮部主事遷郎中請新黃觀方孝孺  
等祠隨引疾就湖南築精舍讀書其中起兵備九  
江創匡山書院以祀陽明後由湖南學政鐫級歸  
仍講學從遊者日眾屢起至大理卿遷少司農金  
陵失守投繯救解憂憤成疾卒所著有南湖講易  
繫辭講治安策仕學錄造適集莞爾集雍正浙  
江通志  
明內閣中書舍人陳公龍正

陳龍正字湯龍嘉善人崇禎進士授中書舍人居  
冷曹好言事自上養和好生二疏復進聽言省刑  
疏用人探本疏帝皆優容焉時議欲用爲吏部御

西湖三祠名賢考畧 卷二

史黃澍以僞學詆之左遷南京國子監丞甫抵家  
而京師陷福王立用爲祠祭員外不就南京失守  
龍正已得疾遂卒明史

明湖廣布政司參議柴公紹勳

柴紹勳字鴻生仁和人萬厯進士授嘉定知縣素  
號難治紹勳至赫然更始始會大禳力請蠲漕粟十  
五萬全活饑民無算累擢備兵淮揚捕治巨寇又  
歲屢眚而河決紹勳蠲助所在賴以少蘇尋進湖  
廣參議以勞瘁得疾乞休乾隆杭  
州府志

明南直隸淮安府同知郎公兆玉

郎兆玉字完白仁和人萬厯進士仕至淮安府同

知有無類生詩一卷

康熙仁利縣志

明山西道監察御史徐公尙勳

徐尙勳 按朱文正公石刻有徐未孩先生名尙勳餘待考

明兵部侍郎宋公賢

宋賢 按朱文正公石刻有宋又希先生名賢餘待考

明監察御史艾公南英

艾南英字千子東鄉人爲諸生好學無所不窺以

興起斯文爲任天啟四年舉於鄉以座主丁乾學

郝士膏發策詆魏忠賢南英對策有譏刺語忠賢

怒削考官籍南英亦停三科後會試久不第而文

日有名負氣凌物兩京繼覆南英入閩唐王召見

西湖三祠名賢考畧

七

卷二

陳十可憂疏授兵部主事尋改御史卒於延平

明史

明福建布政司參政柴公世埏

柴世埏字蓮生仁和人天啟甲子中順天榜由教

諭升崇安知縣轉南京東城兵馬使三遷福建右

參政分守福甯數年歸蕭然故廬圖書數篋而已

及卒神氣冲然遺命以深衣幅巾殮

雍正浙江通志

明北直隸河間府同知章公國佐

章國佐 按朱文正公石刻有章翼茲先生名國佐餘待考

明右春坊右中允吳公太冲

吳太冲字默寘錢塘人崇禎進士授簡討充編纂

六朝章奏修會典兼東閣講讀初爲詞臣無所附

麗及崇禎末召對平臺直陳時務量移國子監司業尋轉右春坊中允以外艱歸

乾隆杭  
州府志

明南京禮部儀制司郎中張公懋忠

張懋忠字夢得仁和人崇禎進士任教諭值流賊至居民數萬爭求入城守者不許忠力請再四至垂涕啟門納焉後授徽郡推官釐剔奸弊一郡肅然歲饑捐貲煮糜設廠賑給遷南京儀制郎尋致

政年七十四卒

康熙杭  
州府志

明江西南昌府知府錢公喜起

錢喜起字武山仁和人幼好學足迹不窺園崇禎進士授工部屯田司主事視蘆改號稱廉幹出爲

西湖三祠名賢考畧

文

卷一

南昌守丁母艱戴星歸里流寇內訌聞崇禎之變一慟而絕救甦構一小樓坐卧其間者三十六年

年八十四卒

雍正浙  
江通志

明廣東平遠縣知縣張公元徵

張元徵字夢珠錢塘人生而穎異更折節讀書晝夜參悟豁然有得遂爲經明行修之儒久困諸生年且六十以明經令平遠在萬山中民未知禮元徵說詩書講社學懸筆楚於堂示不忍用民益愛

戴之

康熙錢  
塘縣志

明文學徐公恕

徐恕字叔勉仁和人通小學四書及古今典故沉

默澹樸若太古之民隱居教授從遊者多舊家鉅族子弟稍暇垂情詩學舉筆用意暗合風雅觀者歎羨著有逸庵詩稿

嘉靖仁  
和縣志

明貢士李公流芳

李流芳字長蘅嘉定人與南畿鄉薦再上公車不第絕意進取性好山水寓武林築室皋亭山下身雖屏退不忘國恤天啟間聞人披猖往往中夜歎息飲泣遂不起其書法規撫東坡畫出入元人詩在斜川香山之間非今人可及

康熙杭  
州府志

明貢士聞公啟祥

聞啟祥字子將錢塘人博綜羣書江廣閩越之士

西湖三祠名賢考畧

九

卷二

登賢書者公車至武林必質義於啟祥品題甲乙命梨棗曰行卷萬麻王子舉於南雍偕計吏入京師已至忽意不自得徑趣車返後以薦被徵不赴性好延納每比舟車飭厨傳宴會賓客若置驛然所著有自娛齋集

雍正浙  
江通志

明文學聞公啟楨

聞啟楨字子與錢塘人夙植勝因生三十年病居強半早歲喪偶遂絕婚宦繩牀經卷翛然出塵嘗發宏願屢求難除道法是肩軀命可輕示寂之前諗兄延師祝髮受具而逝

杭郡  
詩藪

明文學盧公昊

盧昊字景宏錢塘人墓在飲馬橋雞籠山地廣五畝餘子孫多附比

康輿錢塘縣志

明文學盧公璋

盧璋

按朱文正公石刻有盧景熙先生名璋餘待考

明文學柴公應槐

柴應槐字叔揆仁和人墓在皋亭太師隴

乾隆杭州府志

明鴻臚寺署丞柴公紹輝

柴紹輝

按朱文正公石刻有柴文伯先生名紹輝餘待考

明處士盧公復

盧復字不遠錢塘人習歧黃兼通大乘與子之頤

善療奇疾投劑者無不立愈復嘗著本草博議藟

西湖三祠名賢考畧

三

卷一

疑未決後見之頤私論奇之曰此子當自成一

家言遂授使續之之頤折衷先說廣所未備編輯成

書即世所稱本草乘雅者是也

乾隆杭州府志

明徵士陳公雲渠

陳雲渠

按朱文正公石刻有陳固庵先生失載其名餘待考

明文學陳公肇

陳肇字存之仁和人受業於張青林之門以理學

一塗沉冥不白四子之書精微切實乃研精撰述

自論語始改削訂正七年而後成家貧藉修脯供

色養教子義方語必歸本忠孝後以潛夫貴受封

祚明晉明並以文章聲采領袖一時

雍正浙江通志

明文學張公元

張元字天生

人諸生與聞啟祥馮延年暨餘

杭三嚴結讀書社

復社姓氏傳畧

明文學嚴公調御

嚴調御字印持餘杭人太常卿大紀長子敦孝友

篤於交情生死不易自弱冠補弟子員食餼三十

年行誼文藝名播海內晚味禪悅生平嗜好悉屏

絕惟醫與書法不廢及易簣自擊魚唱七佛偈結

跌而逝

嘉慶餘杭縣志

明文學嚴公武順

嚴武順字詡公太常卿大紀仲子兄弟自相為師

西湖三祠名賢考畧

三

卷二

為文力追正始會流氛日熾山寇蜂起戶不安枕

順獻謀於邑長圍疆以固三世同居伯氏捐館終

日哀思為百憶吟生平著書甚多

康熙杭州府志

明文學嚴公敕

嚴敕字無敕武順同母弟也敕最幼失怙恃師事

兩兄慄如嚴父補邑弟子員隨仲兄游太學屢試

不售及仲兄先亡亦作百憶吟年七十合繪三逸

圖以誌思慕晚歲才力愈健著詩盈篋

康熙杭州府志

明處士李公元暉

李元暉

按朱文正公石刻有李不夜先生名元暉餘待考

明光祿寺寺丞吳公之龍

吳之龍字雪門歙人長游武林遂居錢塘從葛寅亮講學湖南後謁選得光祿丞與米友石劉半舫諸名卿倡和豪邁不樂繩檢還隱西湖結竹閣社

西湖志纂

明副貢士徐公繼恩

徐繼恩字世臣仁和人性至孝生而早慧博極羣書補博士弟子以文名雄於時中崇禎壬午副車鼎革後絕意仕進遊於方外所著文辭甚富有周易略解漆園指通師古堂集諸書行世

康熙錢塘縣志

明處士郭公嗣汾

郭嗣汾字季超仁和人有宋賜祖墓在靈隱寺西

西湖三祠名賢考畧

三

卷二

土豪曹氏佔之曾祖渠南忿鬱成疾祖仲和赴都叩闕曹懼至清河擠之水中死父府年十二刲股救祖後鄰家火府負病母冒焰踰牆出府病嗣汾日夜禱忽空中云增孝子父壽一紀府夢神以紅丸納其口遂愈嗣汾距渠南已四世卒復其土豪所奪之產

乾隆杭州志

皇清甯海將軍固山貝子諡惠獻公福喇塔

福喇塔由輔國公封固山貝子康熙十三年逆藩耿精忠據福建反授甯海將軍同康親王傑書統兵討之至台州連破賊眾斬擒無算親統官軍乘勝進擊復黃巖太平樂清青田諸縣進攻温州並

復雲和在浙戰功甚大救出被賊俘掠人民台州  
軍兵尤感之立碑頌德以疾薨於軍

欽定八旗通志

皇清總督河道兵部尚書兼都察院右副都御史加

太子太保朱公之錫

朱之錫字梅麓義烏人順治丙戌進士由庶吉士

累官至兵部尚書總督河道條上十事皆如所請

丁母憂命在任守制後屢陳請准暫假扶觀歸

事竣仍復任康熙五年卒於官總督朱昌祚疏言

之錫治河十年殫力宣勞公忠體國請恩卹十

二年總督王光裕疏言之錫生而盡瘁歿為河神

商民建廟祈禱即應請錫封乾隆間封助順

西湖三祠名賢考畧

三

卷二

永寧侯春秋致祭

國史本傳

皇清總督漕運兵部右侍郎兼都察院右副都御史

謚清獻徐公旭齡

徐旭齡字敬庵錢塘人順治乙未進士授刑部主

事屢遷至御史疏言贖贖緩察吏等事得旨允行

視鹺兩淮疏言淮鹽積弊相沿其私費之苦有六

及稱掣三大弊部議均如所請後由山東巡撫遷

漕運總督以釐三害籌三便奏請下九卿議行尋

卒有才品優長操履清慎之

國史本傳

皇清四川道監察御史贈禮部侍郎謚清獻陸公隴

其

陸隴其字稼書平湖人康熙庚戌進士授嘉定知縣以盜案落職舉博學鴻儒召試未及丁父憂歸再舉清廉官補靈壽知縣又累薦行取授御史首疏言畿輔蠲賑再疏參偏沅巡撫在任守制三疏爭捐納保舉不可行及試俸期滿遂乞假歸著有困勉錄松陽講義三魚堂文集雍正初諭議增文廟從祀賢儒以隴其精研程朱之學兩任邑令以德化民生平孝友端方允稱純儒宜配饗得旨俞允

國史本傳

皇清吏部尚書諡文敬徐公潮

徐潮字浩軒錢塘人康熙癸丑進士授檢討歷官

西湖三祠名賢考畧

孟

卷二

少詹事學問淹通嘗召講易論語敷陳明晰屢

擢刑部侍郎出撫河南潔已率屬減火耗嚴侵漁

均徭賦遇災賑恤饑民全活無算升戶部尚書兼

掌翰林院事每出使按事嚴而不苟能持大體旋

晉吏部尚書因病乞休以原官致仕卒於家

國史本傳

皇清都察院左都御史贈太子太傅禮部尚書諡端

慤沈公近思

沈近思字聞齋錢塘人康熙庚辰進士授臨穎令築孔家口堤永堵水患又捐倉社積穀建書院課士升南甯府同知力行保甲期年甯謐尋改清河

本裕倉監督紀綱利弊奸胥歛跡會遷郎中累擢  
左都御史表率臺端風清紀肅以至誠篤敬盡職  
分當爲所進奏非發議准行之日人莫能知著有  
學易學詩讀論語注偶見錄小學詠勵志雜錄眞  
味詩錄

乾隆杭  
州府志

皇清湖廣德安府通判洪公吉臣

洪吉臣字載之錢塘人性至孝崇禎進士至國  
朝爲德安府推官時三楚大旱德尤甚吉臣首出  
俸貲繼以借貸勸富民共出粟米賑濟凡十七次  
民得全活六邑士民作五仁五清之歌以紀其德  
著有明文喬廿一史識餘學圃薈蘇警世錄後場

西湖三祠名賢考畧

三

卷二

類典羣書備考

康熙錢  
塘縣志

皇清福建邵武府同知洪公秉銓

洪秉銓字玉衡錢塘人官廕生任嘉興同知值敵  
逆之變戕鎮帥部院移兵剿敵命監軍秉銓請曰  
逆命者敵也海鹽皆順民宜禁兵士毋入城士民  
慶更生禾中巨族朱陸陳彭爲尤甲秉銓維持之  
保全甚眾再任邵武同知建甯變起固守郡城賑  
濟鄰邑流民全活無算署建甯縣事多著勞績

康熙

錢塘  
縣志

皇清陝西布政司參議趙公廷標

趙廷標字叔文錢塘人由拔貢生知福建永甯縣

擢湖南衡州府同知尋署府事所至皆經兵亂亟請蠲賑生全無算以經略薦擢雲南迤東道諸蠻不靖決策行間諸兵悉平改授湖南鹽驛道湘東民變單騎往諭皆泣悔散遣事定俄遷陝西布政司參議時已抱病士民請留會武昌兵變強起視事十月餘病益篤乃乞歸抵家而卒

國史本傳

皇清通政司右通政胡公亶

胡亶字勵齋仁和人順治己丑進士授編修出爲江南布政司參議備兵常鎮聞駐防某驕恣廉得其奸私狀論如法江盜起株連不已捕使按籍鉤索堅不肯發卒力白之會海寇入犯力保危城寇

西湖三祠名賢考畧

壬

卷二

遁召爲鴻臚寺卿進通政後乞養不復起居鄉不以寸牘干官府有利弊則力爭之著有中星譜周天現界圖步天歌

乾隆杭州府志

皇清兵部右侍郎項公景襄

項景襄字眉山錢塘人順治壬辰進士選庶吉士授檢討歷官至兵部右侍郎在翰林究心掌故及副兵樞參密勿毅然有爲時烽燧雖息而瘡痍未平定謀決策遇事敢言天下想望其風采以勞瘁

遽卒

乾隆杭州府志

皇清江西按察司提學僉事詹公惟聖

詹惟聖字乃庸建德人順治壬辰進士除山東德

平令改湖廣江華令會甯遠令以徵調致民變聖  
兼攝之甯邑多就鄉徵糧稍急則閉壘相拒聖開  
誠勸諭積逋以清奏最擢刑部主事屢遷按察僉  
事視學江西軫恤寒士督撫以公明尤著入告下  
部著績事竣歸里遘疾終

雍正浙  
江通志

皇清河南道監察御史顧豹文

顧豹文字且庵錢塘人順治乙未進士除河南正  
陽縣釋羈囚招流亡慰民疾苦行取擢御史巡視  
東城發奸摘伏三輔畏其神明出巡湖北察水利  
修湖隄建義倉請蠲未完錢糧及無徵額課以蘇  
民困會撤巡按再入臺疏劾悉當遭內外艱引病

西湖三祠名賢考畧

三

卷二

乞休有願圃日記

乾隆杭  
州府志

皇清總督倉場戶部右侍郎嚴公沆

嚴沆字灝亭錢塘人順治乙未進士授庶吉士改  
給事中典試山東故事聖裔無舉者四氏子不得  
獨雋沆疏請得歲舉二人著爲令屢擢至戶部右  
侍郎總督倉場時軍興孔棘沆通贏絀剔假冒進  
不軋眾退不廢公歲省金錢數萬乞養母歸著有

蘧知錄

乾隆杭  
州府志

皇清廣西桂林府同知吳公鑛

吳鑛字天朗 人原籍歙縣祖叔度見新安子  
弟負才籍浙者日盛每試多遺乃剏商籍之議主

者報可至是乃一食報於其家鑛成進士授廣西  
推官其施於有政緩刑尚德息事甯人皆有自致  
於遠大之理及裁缺候補得便歸省卒於漢陽

熊學士文集

皇清兵部右侍郎嚴公曾渠

嚴曾渠字獲庵錢塘人戶部侍郎沆子康熙甲辰  
進士授庶吉士改御史歷臺諫二十四年多所建  
白官至兵部侍郎累籍貴仕家無私積其汲引人  
材扶植後進惟恐不逮故俸入多不給既卒喪不  
能歸僚友故吏皆涕泣致賻著有聚德堂集

乾隆州志

西湖三祠名賢考畧

三

卷二

皇清湖廣常甯縣知縣盧公璉

盧璉字質存錢塘人貢生官常甯縣知縣

皇清內閣學士兼禮部侍郎盧公琦

盧琦字西甯錢塘人康熙丁未進士授編修累進  
少詹事纂修實錄明史充方略館總裁長於史學

熟諳朝章國典分纂常先他人擢內閣學士屏絕  
竿牘聲望翕然以前所舉大吏被劾牽連落職歸

執母喪哀毀盡禮兄璉卒於官多逋累為代任之

乾隆杭

州府志

皇清戶部右侍郎汪公霏

汪霏字東川錢塘人康熙丙辰進士補行人舉博

汪霏字東川錢塘人康熙丙辰進士補行人舉博

學鴻詞改翰林累遷戶部右侍郎嘗纂修明史總  
理通鑑綱目講義編纂佩文韻府纂輯佩文齋歷  
皇代詠物詩戶部素稱脂膏之地窳一塵不染歸田  
後杜門掃軌不與外事與人交不設城府不立崖  
岸人樂親之

乾隆杭  
州府志

皇清雲南曲靖府知府陳公張相

陳張相字梓湘錢塘人以明經授桂林郡丞歷任  
貴州石阡雲南曲靖知府所至輒著循績大吏謂  
張相不惟廉能其才有大過人者事有疑難悉委  
之立爲剖斷至敦崇故舊姻睦周親感念存亡始  
終一轍又其天性然也生平多所著述皆可傳

康熙

西湖三祠名賢考畧

无

卷一

錢塘  
縣志

皇清江南江浦縣知縣郎公廷泰

郎廷泰字理圃仁和人任江浦令下車之日立斲  
地棍於杖下邑人快之錢穀刑名釐剔井井胥吏  
無所容姦卒於官邑人建世德祠祀之

光緒江  
甯府志

皇清福建道監察御史柴公謙

柴謙字南屏仁和人望子考授中書康熙丙申

欽賜進士官福建道御史著微曙齋集

兩浙轉  
軒錄

皇清處士凌公萃徵

凌萃徵字聚吉錢塘人崇禎丙子副車家素豐而  
性淡泊仍如寒賸人以緩急告則又傾囊與毋少

咨後乃屏絕塵俗藝菊賦詩酷嗜弈每語人曰淵  
明嗜酒吾量不及聊以弈代祛鄙咨耳

康熙錢塘縣志

皇清處士張公遂辰

張遂辰字卿子仁和人內行純摯習舉子業應試  
不售即棄去退而窮綜四大部無不該貫尤精於  
易工詩所著書甚多又以岐黃濟人其子若孫及  
門弟子皆能傳其業以醫學名世

雍正浙江通志

皇清處士汪公澄

汪澄字若干錢塘人以子霏官贈國子監祭酒

杭州府志

皇清處士汪公灝

西湖三祠名賢考畧

三

卷二

汪灝字魏美錢塘人少孤貧與兄澄弟澐名行相  
勗奉寡母至孝崇禎己卯舉於鄉奉母避兵天台  
還居湖上有三高士皆舉人不就公車者灝為其  
一監司載酒湖船請以世外相見其二人相與抗  
禮灝獨不至已而知灝在孤山泛舟從之竟遁去  
所居敗書數帙或鍵戶出不返

乾隆杭州府志

皇清處士虞公鈔

虞鈔字峻民錢塘人諸生少孤事母至孝家貧以  
教授供母母病危潛割胸肉雜湯以進病遂愈及  
母歿廬於墓側晨赴館暮必返廬前生連理木三  
躬耕自給毅然以道為己任

乾隆杭州府志

皇清處士應公搗謙 書而交盡六朝賢

應搗謙字嗣寅仁和人為諸生殫心理學家貧環

堵蕭然而弟子日益進立教以躬行實踐為主於

六經多所發明尤精於易嘗病世儒言易失之穿

鑿著有六經解理學彙編性理大中教養全書潛

齋文集 乾隆杭 州府志

皇清處士柴公紹炳 宗心筆 無室 中 淵 喻 其 子 以

柴紹炳字虎臣仁和人甫入塾聞正心誠意之旨

欣然若有會稍長博極羣書後居南屏山鍵戶小

樓研窮聖賢體用之學能發先儒所未發著考古

經濟類編性孝友教弟子悉本躬行自言有得於

西湖三祠名賢考畧 三 卷二

曾子省身之學題其居為省軒鄉里稱省軒先生

乾隆杭 州府志

皇清處士陳公廷會 南 氣 出 巽 可 小

陳廷會字際叔錢塘人性好學貫穿經史為文沈

博絕麗四方人士多宗之爭掃室布席命其子以

從口授指講皆有師法杭守稽宗孟式廬以訪欲

講學辭不赴矜慎名節不妄受人惠著有瞻雲集

雍正浙 江通志

皇清處士茅公起龍 益 並 立 選 以 陳 行 實 錄 王 允

茅起龍字子起錢塘人鼎元瓚曾孫負奇氣少有

神童之目博極羣書所交盡一時賢俊後乃廢棄

諸生鍵戶肥遯惟一二素心人數晨夕與兄子君

皇長道合志同時人方之二阮康熙錢塘縣志

皇清處士王公至健

王至健字乾庵錢塘人生有異稟年十三作賦數千言立就然終不肯一應童子試方明季流賊縱橫每自歎曰食人之食不能分人之憂雖死有餘憾不如自食猶可苟活因更字曰時貞取固守之

皇義乾隆杭公府志

皇清處士虞公穆

虞穆字鼎錫錢塘人弱歲食芹授徒爲業非所有一不取居焚於火隨築時門下有通顯者或謂出

西湖三祠名賢考畧

三

卷二

自徒力穆大署其門令通顯者勿復來後乃益貴延致穆不一顧視夫世之因人成熟者爲何如也

康熙錢塘縣志

皇清處士張公右民

張右民字用霖錢塘人爲葛寅亮高弟明末刻登樓社文選風行海內講學授徒負笈者無間遠近毛先舒以古文名家出其門康熙癸亥修浙江通志著有東皋詩文集甲申疏稿史論史略竹窗語

皇錄乾隆杭公府志

皇清處士胡公介

胡介字彥遠錢塘人幼穎異爲博士弟子不立壇

坵抗意而行居沙堵蓬門蘿屋與其妻翁氏笑傲  
溪山間翁賢而能詩倡和自得其所著嘗屬陸嘉  
淑芟蕪之死後十年淮東黃之翰刊其旅堂詩文  
集行世

乾隆杭  
州府志

皇清處士陸公嘉淑

陸嘉淑字冰修海甯人數歲能作徑尺大字長益  
博覽羣書詩文清麗以父歿於亂棄諸生不應有  
司試家計日落殊不屑意晚歲遊京師一時名公  
鉅卿交相推重文采風流名震輦下或欲薦應鴻  
詞科力辭不就

有辛齋遺稿  
道光海  
甯州志

皇清處士徐公繼聖

西湖三祠名賢考畧

三

卷二

徐繼聖字素庵錢塘人弱冠游庠聲藉甚後乃廢  
棄諸生著書樂道請業者接踵於門會適閩遘耿  
逆變野多流離出囊金量情蠲給橐罄至不能舉  
火及歸泉石優游嘯歌終老著有聖學宗源東林  
俳語及詩文集

康熙錢  
塘縣志

皇清處士王公佑賢

王佑賢字聖翼錢塘人幼孤力學精於醫所得輒  
周貧乏巡按牟雲龍薦不就庭有古梅頗愛之當  
道者移之官舍不活還植復榮人號返魂香樹題  
詠甚多適梅遭焚而佑賢卒學者私謚孝惠

乾隆  
杭州

府志

皇清處士盧公之頤

盧之頤字子由錢塘人父復隱於醫之頤遂精其術兼博覽古文辭纂文選徹夜不倦嘗邁奇疾見金甲神持五臟易置之病頓已神氣益暢構思似有神助遊南雍名公卿虛左以待上陳機宜柄政者不能用乃歸隱著書有遺香堂七錄

康熙錢塘縣志

皇清處士張公嵩

張嵩字昂石錢塘人於書無所不讀尤潛心周易有獨詣之解與侍御陳潛夫交莫逆潛夫既抗節死嵩亦匿迹山林嘯詠自得著有梅坡詩集

康熙錢塘縣志

縣志

西湖三祠名賢考畧

三

卷二

皇清處士陸公圻

陸圻字景宣錢塘人拔貢生少穎異讀書過目不忘長負盛名吳越之士爭歸之輒相見恨晚事親曲盡意旨病則割股以進久而知醫治病多奇效親歿棄家遠遊人莫得而踪迹之

乾隆杭州府志

皇清處士陸公塔

陸塔字梯霞錢塘人兄圻以文章領袖東南塔授生徒四方從遊者甚眾巡撫張鵬翮葺書院於萬松嶺集通省士子讀書其中奉塔為師所著有白

鳳堂集

乾隆杭州府志

皇清處士陸公陞

陸埜字左城錢塘人爲文沈博絕麗類諸兄所梓  
丹鳳堂集漢魏齊梁如金在冶別有稿數十卷名  
經世驪珠蓋三通之支流也乾隆杭  
州府志

皇清處士陳公麗明

陳麗明字貞倩錢塘人大梁之役與兄元倩間關  
戎馬明亡匿迹城東窮阨以終有采菽堂集西泠  
懷古

集

皇清處士陳公祚明

陳祚明字引倩錢塘人僉都御史潛夫弟也博學  
善屬文以家貧遊京師客諸貴人所凡條奏祚明  
爲屬草明鬯剴切輒報可歸里營兄嫂葬所得賞

西湖三祠名賢考畧

三

卷二

隨散去復出遊卒於京師著有稽留山人詩十二

卷詞一卷

雍正浙  
江通志

皇清處士陳公晉明

陳晉明字康侯錢塘人與兄貞倩偕隱不復仕進  
有采菽季子詩留兩浙輶  
軒錄

皇清處士陸公繁昭

陸繁昭字拒石仁和人行人培子培殉節死繁昭  
甫十歲奉母之暇編摩經史爲文最工駢體尤善  
談論廣座中吐佳言如玉屑同學先後擢高第去  
繁昭泊如也著有善卷堂集乾隆杭  
州府志

皇清處士陳公會簞

皇陳曾篁字丹崖錢塘人殉節陳公潛夫子年七歲  
父母俱沈淵死叔祚明以養以育至於成人能讀  
書承先志隱於歧黃平生不喜見要人學使張安  
茂廉知之檄有司令曾篁來辭不至垂老閉戶食  
貧以歿

康熙錢塘縣志

皇清處士陳公曾藝

陳曾藝字叔毅錢塘人祚明子能讀父書年十五  
作靈鷲賦頗似三都兩京格調著有斷冰集十二

卷

康熙錢塘縣志

皇清貢生高公僮

高僮

按朱文正公石刻有高僮思先生名解餘待考

西湖三祠名賢考畧

美

卷二

皇清處士孫公浣思

孫浣思字嘉客錢塘人少爲諸生名藉甚明季東  
南盟社爭得浣思爲壇坫主而浣思又愛賓客四  
方來謁者屢常滿戶外劇談賦詩累日夜不厭穉  
祝融者再家益貧晚年閉戶著書爲樂

康熙錢塘縣志

皇清處士俞公時篤

俞時篤字企延錢塘人爲諸生砥礪古學工書能  
窮其妙請乞滿門老而貧頗貲之間學畫遂與北  
苑南宮頡頏詩亦婉麗有法朱延煥增補武林舊

事時篤參訂之

乾隆杭州府志

皇清行人司行人吳公震衛

吳震衛按朱文正公石刻有吳先  
生震衛失載其號待考

皇清歲貢士周公拱辰

周拱辰字孟侯桐鄉人幼卽奇慧稍長益嗜學獨坐小樓三年讀古書詩三千卷有奇抄錄疊紙五尺許名噪一時游庠食餼而七入棘闈無所得遂遊天下名山大川後避地窮鄉以歲貢終著有聖

雨齋集光緒桐鄉縣志

皇清歲貢士章公仕斐

章仕斐字淇上錢塘人幼喪父母家貧奉繼母孝僦居市樓一椽稍長喜讀書奮勵鑽研靡不淹貫補諸生旋食餼錢塘知縣顧咸建會課手兩卷不

西湖三祠名賢考畧

三

卷一

能定甲乙以示陳際泰際泰曰此卷吾斷爲古文作家遂拔仕斐爲首以明經終著花隱亭詩文集

雍正浙江通志

皇清文學章公戡功

章戡功字服伯錢塘人士斐子母沈孕二十四月而生幼凝重不苟言笑九歲通五經捉筆能文章屢躋童子試年三十八始受知督學劉公霽榜發歿已四日有纂輯新舊唐書六十二卷康熙錢塘縣志

皇清恩貢士章公撫功

章撫功字仁豔錢塘人士斐仲子貢生著清嘯堂

集兩浙輶軒錄

皇清歲貢士王公修玉

王修玉字倩修錢塘人貢生性至孝父為鄱陽令以誣逮被在縲絏凡飲食溲溺俱修玉手執其勞後卒得釋家貧饗餼不給不廢吟咏巡撫范承謨嘗語學使云不獨其文可重其人尤可師也有蕭

遠堂集乾隆杭州府志

皇清浙江温州府學訓導陸公進

陸進字蓋思餘杭人由貢生官温州府學訓導詩古風以漢魏為法近體以初盛唐為宗尤嚴於雅俗二字繼西泠十子而起者未能或之先也著巢

青閣集乾隆杭州府志

西湖三祠名賢考畧

三

卷二一

皇清浙江景甯縣學教諭宋公鼎銓

宋鼎銓字士衡仁和人拔貢生官景甯教諭著涵

春堂集兩浙翰軒錄

皇清浙江永康縣學教諭張公穎荀

張穎荀字叔明錢塘人歲貢生著有方山詩鈔杭郡

輯詩

皇清文學張公麟

張麟按朱文正公石刻有張介臣先生名麟餘待考

皇清考授州同知嚴公會塾

嚴曾塾字定隅餘杭籍錢塘人戶部侍郎沆五子

生有至性穎敏絕人入大學考授州同以父喪返

舉園故居益發憤讀書名譽藉甚喜爲詩窮而益  
工再試不利絕意進取著有兩堂詩集

嘉慶餘  
杭縣志

皇清處士汪公廷俊

汪廷俊 按朱文正公石刻有汪澹庵先生名廷俊餘待考

皇清文學方公擢

方擢字書升錢塘人篤於族姻有貧不能自立者

周給之置地俞家囑瘞其棺久暴露者又以餘地

建普同塔藏無主髑骼

乾隆杭  
州府志

皇清處士項公日永

項日永字其譽錢塘人賈於閩會閩變道梗思父

母棄資問道歸夜行晝伏逾年得達居一載父母

西湖三祠名賢考畧

三

卷二

相繼歿哭泣盡哀康熙間值歲大歉出粟以賑自

江干達湖墅沿途人給半升活者無算

乾隆杭  
州府志

皇清文學盧公楚

盧楚字繼侯錢塘人盧之頤子

道古堂  
文集

皇清武貢盧公楚

盧楚字亦馮錢塘人年十五遊庠二十登賢書奉

寡母周盡孝養兄楚病曾割股代湯藥兄婦之喪

鬻婦奩田殯葬之

乾隆杭  
州府志

皇清欽褒純孝處士陳公季方

陳季方字元師錢塘人父歿纔弱歲居墓側三年

母患疽吮之而愈

乾隆杭  
州府志

皇清欽褒純孝盧公必陞

盧必陞字玉茗錢塘人叔父無子以必陞嗣本生

父病思食蟳蜆非其時莫致必陞攜筐採取風潮

忽至沒於海漁者救之歸猶手蟳蜆不釋嗣父遇

流賊相失必陞躬冒鋒鏑尋父以歸及卒廬墓三

皇年乾隆杭  
州府志

皇清欽褒純孝處士趙公啟裕

趙啟裕字奉先錢塘人十歲喪父慟不欲生事母

孝謹不離左右者數年母卒廬墓三年兄患惡疾

近者輒染啟裕扶持起居與同寢食兄瘳己亦不

染乾隆杭  
州府志

西湖三祠名賢考畧

甲

卷二

皇清處士徐公修

徐修字德清人尙介之子順治十三年靈山

城陷尙介顧修曰我爲守土官不能捍一邑毋收

我骨賊執之尙介罵不絕口死修及僕朱貴皆遇

害國史徐  
尙介傳

皇清處士呂公蘭

呂蘭字谷芳仁和人少失怙家貧未娶與母相依

爲命性好學嘔血死母益困蘭與毛人慶友善一

日人慶疾忽作蘭語曰我谷芳生不能養母雖死

魂魄猶自恨予母不食已二日矣今乞升斗以給

吾母人慶亦貧土措錢數百以餽其母聞者泣下

乾隆院  
州府志

皇清翰林院侍講學士盧公文昭

盧文昭字抱經杭州人人生而穎異學有本原乾隆

壬申以一甲第三人成進士授編修入直上書

房由中允薦升侍讀學士典試廣東視學湖南以

繼母年高乞養歸在館閣十餘年主講書院二十

餘年好校書終身未嘗廢所定諸善本鏤板行世

所自爲書有文集三十四卷儀禮注疏詳校十六

卷鍾山札記四卷龍城札記三卷廣雅注二卷卒

年七十九

國朝先  
正事畧

皇清翰林院侍講學士梁公同書

西湖三祠名賢考畧

聖

卷二

梁同書字山舟錢塘人大學士文莊公子嗣爲文

莊公兄編修公後乾隆丁卯舉人十七年恩科

會試未第特賜進士由庶吉士授編修大考擢

侍講既丁所後父艱引疾不出嘉慶丁卯重宴鹿

鳴加侍講學士銜耆德清望足以型式鄉閭卒年

九十三自少善書法老而益工名滿天下著有類

羅庵集

鑑止水  
齋文集

皇清增貢生梁公玉繩

梁玉繩字諫庵錢塘人增貢生同書嗣子篤學力

行有介石之操著書多行於世有史記志疑呂子

校補元號略人表考誌名廣例瞥記蛻稟總名清

白士集鑑止水齋文集

皇清拔貢生汪公中

汪中字容甫江都人多聞強記研究經史尤嗜金石文字性兀傲凌轍時人然名公卿皆愛其才而

禮下之兩淮鹽政全公移任杭州屬其兼掌西湖

平賜書卒於湖上著有廣陵通典三十卷春秋後

傳二十卷述學四卷聞見錄

皇清國子監典籍章公學誠

章學誠字實齋會稽人少從山陰劉豹君童二樹

遊有文史通義若干卷秀水鄭虎文稱其有良史

才自學誠謝世而江南之文獻亡矣文獻徵存錄

皇清詹事府少詹事邵公晉涵

西湖三祠名賢考畧

望 卷二

邵晉涵字南江餘姚人乾隆三十六年會試第一

成進士歸部銓選尋開四庫館首膺薦舉改庶吉

士充纂修官累遷侍讀學士典試廣東歷充 萬

壽盛典入旗通志 國史館三通館纂修提調生

平至性過人讀書數行俱下為文操筆立就分校

官書實事求是不為空疏無據之學著有方輿全

石編目 皇朝大臣謚迹錄輶軒日記南江詩文

稿國朝先正史畧

皇清禮部郎中龔公鞏祚

龔鞏祚字定庵仁和人道光庚戌進士官禮部主

事幼從外王父段玉裁授經故其爲學有所師承  
於經通尚書公羊於史長西北輿地於文則出入  
周秦諸子間奇崛深懿不可一世著有定庵初續  
集各三卷

定庵集

皇清翰林院侍講學士胡公敬

胡敬字以莊仁和人嘉慶乙丑會元官至翰林院

侍講學士歷充武英殿文穎館纂修入直懋

勤殿編纂祕殿珠林石渠寶笈三編典試河南督

學安徽嘉惠寒峻乞養歸主崇文書院二十餘年

凡有關於地方風教者必竭力贊成之著有崇雅

堂集

杭郡詩三輯

西湖三祠名賢考畧

聖

卷二

皇清國子監學正項公名達

項名達字梅侶錢塘人道光丙戌進士以知縣卽

用呈請改官補國子監學正未幾乞假歸主講紫

陽書院校閱精審士論翕然宗之其歿也預知時

日沐浴具衣冠而逝

杭郡詩三輯

題贈景對人通詞慰

皇清刑部員外郎贈道銜邵公懿辰

邵懿辰字映垣仁和人道光辛卯舉人官刑部員

外郎爲文務先義理不事繁縟性戇直往往面折

人短由是不得安其位鐫職旣歸纂著經籍咸豐

十一年杭州再陷三日不食罵賊遇害有半巖廬

遺詩

曾文正集王父與王德受聯其爲學皆祖補

皇清仙居縣學訓導贈都察院經歷伊公樂堯

伊樂堯字遇羹錢塘人咸豐辛亥舉人天性端謹  
操履不苟有古儒者之風以經學為浙西冠冕著  
作等身春官三上因就冷職及選仙居訓導杭已

再陷遽死於難杭郡詩  
三輯

皇清桐廬縣學教諭王公有鈞

王有鈞字守貽錢塘人道光庚子舉人言動必準

禮法里黨化之掌教桐廬書院口講指畫咸有師

法及授桐廬教諭未之任卒著有吟孫詩稿杭郡詩  
三輯

輯

皇清舉人馬公晉藩

西湖三祠名賢考畧

畧

卷二

馬晉藩字讌香仁和人道光庚子舉人有孝行家

施絳帳設青藍簿自兩浙皖豫及都下受業者千

百人登賢書入詞館者比比也後以蹉跌折足不

數年終於家有東城倡和集杭郡詩  
三輯

皇清歲貢生黃公式三

黃式三字薇香定海人事親以孝聞赴鄉試母暴

疾卒於家馳歸歸慟絕誓不再試以歲貢終生平於

學無所不窺并包六藝斟酌諸儒不域於門戶之

見所著書並見藝文光緒定  
海廳志

皇清江蘇糧儲道許公榘

許榘字珊林海甯人道光癸巳進士精治六書尤

明律學由直隸知縣歷官守牧後署江蘇糧儲道  
著紅竹草堂詩鈔兩浙輶軒續錄

皇清戶部貴州司主事許公楣

許楣字金門海甯人道光癸巳會元授戶部主事  
逾年引疾歸益肆力於學咸豐間避寇通州主敦

善書院課士有法多所成就與兄樾俱究心訓詁

金石之學時人以二難目之兩浙輶軒續錄

皇清杭州府學增生戴公煦

戴煦字鄂士錢塘人增生研精厯算西人見所為  
書皆推服冲澹靜默避俗如不及世事一不與咸

豐十年杭州陷投井死與其兄熙同殉國人尤惜

西湖三祠名賢考畧 望

焉浙江忠義錄

舊祀先覺

皇清洪公福星

皇洪福星按朱文正公石刻有洪福星先生字大文餘待考

皇清金公歧宋

金歧宋待考

皇清劉公何實

劉何實待考

皇清劉公萬祺

劉萬祺字玉甫杭州人母疾萬祺與子永駿同時  
割股季子永錫亦以孝友聞康熙杭州府志

皇清周公子宣

周于宣 待考

皇清章公長玉

章長玉 待考

皇清趙公梓木

趙梓木 待考

皇清章公程伯

章程伯 待考

皇清趙公遜志

趙遜志 待考

皇清張公元呂

張元呂 待考

西湖三祠名賢考畧

吳

卷一



皇清章公遜志

章遜志 待考

皇清趙公梓木

趙梓木 待考

皇清章公程伯

章程伯 待考

皇清周公子宣

男 培因 校字 振聲



遺愛目次

唐 申 喬

宋 璟

白居易

宋 清 源

范仲淹

明 田 吉

周 新

國 阮 鶚

王世貞

甘士玠

遺愛目次

樊良樞

陳調元

國朝 阮 鶚

張奇逢

田逢吉

王國安

宋 周清源

鄭開極

李 鐸

唐 趙申喬

彭始博

吳 璠

饒 敏

李 泌

黃 中

魏 暉

蘇 軾

李 之 義

盧昌襄

戚繼光

薛應旂

劉一焜

一

張延登

韓 愈

魏 光

朱昌祚

李之芳

金 鉉

張鵬翮

黃在中

張希良

趙宏燦

吳 垣

趙 鼎

王 鼎

李德裕

饒 敏

魏 暉

韓世忠

魏 士 繼

胡宗憲

陳仕賢

李文奎

王在晉

卷三

許 彥

李 奎

魏 士 賢

崔爾仰

趙士麟

王 隲

馬如龍

顏光敏

高熊徵

王世臣

胡作梅

馬 豫

溥澤淵

遲維培

朱 軾

李 衛

李洵德

納興安

于敏中

朱 珪

阮 元

秦 瀛

帥承瀛

林則徐

羅文俊

吳文鎔

汪本銓

丁壽昌

徐宗幹

馬新貽

戴 槃

凡六十七人

續增

薛時雨

遺愛目次

西湖三祠名賢考畧

丹徒戴啟文子開纂輯

遺愛

唐杭州刺史宋公璟

宋璟字 南和人少耿介有大節博學工文翰

弱冠舉進士累轉鳳閣舍人神龍初拜黃門侍郎

歷杭州刺史在官清嚴人吏莫有犯者會遷吏部

尚書剛正敢言坐事復出為睦州刺史開元初由

廣州都督徵刑部尚書封廣平郡公授開府儀同

三司嘉謀嘉猷以時入告上嘗謂璟曰卿國之元

西湖三祠名賢考畧

卷三

老為朕股肱耳目所進之言書之座右出入觀省

以誠終身其見重如此後拜右丞相以年老乞歸

許之仍給全祿

舊唐書

唐杭州刺史李公泌

李泌字長源京兆人七歲知為文帝召試其能賦

方圓動靜及授官嘗為杭州刺史有風績引西湖

決水入城為六井民利之泌出入禁中事四君忠言

讜議能寤人主兩京復泌謀居多數為權倖所疾

均以智免貞元四年八月月蝕東壁泌曰大臣當

有憂者吾以宰相兼學士當之矣明年果卒

新唐書

唐浙西觀察使李公德裕

李德裕字文饒趙郡人卓犖有大節由御史中丞出爲浙西觀察使躬自儉約留州財贍兵南方信巫雖父母癘疾子棄不敢養德裕諭以大倫違者寘之法惡俗大變又按屬州非經祠祀者毀千餘所奏罷進獻優詔爲停德裕三在浙西後累遷策功拜太尉當國六年以經綸天下自任宣宗卽位屢貶爲崖州司戶參軍事而卒

新唐書

唐杭州刺史白居易

白居易字樂天太原人貞元進士補校書郎累遷左拾遺上疏建言多見聽可然爲當路所忌貶江州司馬入爲員外郎仍旬外遷爲杭州刺史築堤

西湖三祠名賢考畧

二

卷三

捍錢塘湖蓄洩其水溉田千頃復浚李泌六井民賴其汲後以刑部尚書致仕晚號香山居士最工詩多至數千篇

新唐書

宋資政殿學士知杭州范公仲淹

范仲淹字希文吳縣人舉進士第初薦爲秘閣校理長於經學尙風節性至孝以母在時方貧後雖貴妻子衣食僅能自充而好施予置義莊以贍族人汎愛樂善士多出其門下每感激論天下事奮不顧身及執政以天下爲己任裁削倖濫考覈官吏人心不悅謗毀稍行自請罷政事後以疾請鄧州尋徙杭州再請潁州未至而卒

宋史

由職史中丞

宋龍圖閣學士知杭州蘇公軾

蘇軾字子瞻眉山入其爲文章雄視百代及以龍圖閣學士知杭州值大旱饑疫並作請於朝免上供米三之一減價糶常平米作饋粥藥劑活者甚眾又浚茅山鹽橋二河以通漕復造堰插蓄洩湖水取湖中葑積爲長堤三十里以通行者二十年間再蒞杭有德於民家有畫像飲食必祝軾出入侍從忠規讜論必本愛君屢爲小人擠排貶官後

卒於常州

宋史

宋兩浙經畧安撫大使韓公世忠

韓世忠字良臣延安人鷲勇絕人初從王淵討方

西湖三祠名賢考畧

三

卷三

臘於杭州擊賊敗淵歎曰眞萬人敵也苗傅劉正

宋彥反世忠擒之帝書忠勇二字揭旗以賜兀朮自

廣德破臨安引兵趨鎮江拒之金兵不得渡遁去

金人數入寇輒爲所敗推中興武功第一會秦檜

主和議力陳其非願効死節爲檜所抑連疏乞解

樞柄繼上表乞骸縱游西湖以自樂

宋史

明浙江按察使周公新

周新字日新南海人以諸生貢太學授大理寺評

事改御史多所彈劾貴戚震懼目爲冷面寒鐵巡

按福建還朝擢浙江按察使發奸摘伏屢雪冤獄

浙西大水新奏之得蠲賑會錦衣衛指揮紀綱使

千戶緝事攫賄作威福新欲按治之遁去訴於綱  
綱誣奏新罪帝怒命逮至伏陛前抗聲曰臣奉詔  
禽奸惡奈何罪臣帝愈怒命戮之臨刑大呼曰生  
爲直臣死當作直鬼後帝若見緋衣人曰臣周新  
已爲神爲陛下治奸貪吏云

明史

明浙江布政司參政盧公襄

盧襄字師陳吳人嘉靖進士初官法比卽思以政  
業自見克勤其職平反爲多出爲浙江參政矜嚴  
自持羣坐中不妄出一語然其中予奪分劑未始  
少失尤善廉事有所審畫必中事機遇政有缺失  
或民間疾苦必具疏以聞性雅善學所著有五塢

西湖三祠名賢考畧

四

卷三

草堂集

文獻錄

明總督福建浙江兵部尙書兼都察院右副都御史

胡公宗憲

胡宗憲字汝貞績谿人嘉靖進士厯知縣擢御史  
出按浙江時歛人在直據五島煽倭入寇徐海陳  
東等日擾郡邑宗憲與直同鄉招致之厚遇直養  
子激令立功要海降海以計縛東來獻東黨懼攻  
海海投水死遂俘東獻京師後直論死激亦支解  
兩浙倭漸平命兼浙江巡撫事晉兵部尙書會陸

鳳儀汪汝正交劾之逮問下獄瘐死

明史

明巡撫浙江都察院右僉都御史阮公鶚

阮鶚字應薦桐城人嘉靖進士任浙江提學副使時寇始發兼以兵謀迪士及賊掠塘棲議納郊關都鄙士女於郭內多所全活賊屯湖墅縱剽掠命諸生林某率練兵擊之擢僉都御史巡撫浙江聞乍浦圍急趨救遇賊人保桐鄉城堅守月餘賊不能下解去與胡宗憲合兵攻徐海覆其巢捷聞移撫福建爲浮議所中被逮釋歸

雍正浙江通志

明浙江參將分守甯紹台三府改守台金嚴三府戚

公繼光

戚繼光字元敬登州人倜儻負奇氣嘉靖中擢署都指揮僉事備倭山東改僉浙江都司充參將分

西湖三祠名賢考畧

五

卷三

守甯紹台三郡因地形制陣法審步伐精器械與倭戰屢捷浙東平戚家軍名聞天下隆慶初以都督同知總薊州昌平保定三鎮練兵事邊備修飭薊門晏然在鎮十六年當國者改之廣東強一起

踰年卽謝病復被劾罷歸

明史

明浙江左布政使陳公仕賢

陳仕賢字邦憲福清人嘉靖進士知杭州奉職循理衣不重綵食無兼味水旱祈禱輒應後爲浙左轄益務廣容恥以法繩羣下清白之操終始靡間

康熙杭

州府志

明浙江布政司參政王公世貞

王世貞字元美太倉人嘉靖進士授刑部主事屢遷青州兵備副使父抒以灤河失事嚴嵩構之繫獄乞救不得竟死西市隆慶元年伏闕訟父冤復抒官會詔求直言疏陳八事遷浙江右參政屢進右副都御史撫鄖陽條奏事宜咸切大計以不附張居正每遷官皆被劾罷居正歿再起南京兵部右侍郎移疾歸

明史

明浙江按察司提學副使薛公應旂

薛應旂字仲常武進人嘉靖進士由慈谿知縣屢遷南京考功郎中主京察大學士嚴嵩嘗爲給事中王暉所劾囑尙寶丞諸傑貽書應旂令黜暉應

西湖三祠名賢考畧

六

卷三

旂反黜傑嵩大怒應旂又黜常州知府符驗嵩令御史桂榮劾應旂挾私黜郡守譎建昌通判歷浙江提學副使其閱文所品題百不失一以大計罷

歸

明史

明浙江杭州府知府李文奎

李文奎字聚五侯官人萬厯進士知杭州下車初卽偕藩司范涑提學洪啟濬通判常道立錢塘知縣朱光祚改建旌德觀祠宇文奎義助獨厚陳禹謨頌其宣化黃堂政先彰輝其他德政多類此向有專祠崇祀近六一泉後毀康熙間杭州知府李

鐸移像祠內

旌德縣志

觀志

明巡撫浙江都察院右僉都御史甘公士玠

甘士玠字紫亭信豐人萬厯進士由棘寺卿升僉都巡撫兩浙選材官訓標兵裁部差汰冗役禁宴會省糜費躬行節儉創武林書院講明正學歲大祿請留漕米數十萬仍捐助遠近分賑悉心擘畫以是得疾卒筐筭無存歛以澣衣士民號慟後撫高舉聞於朝立祠歲祭以報焉

康熙杭州府志

明巡撫浙江都察院僉都御史劉公一焜

劉一焜字元丙南昌人萬厯進士授行人歷考功郎中改文選遷太常少卿擢右僉都御史巡撫浙江織造中官劉成卒屢疏請勿遣代帝卒命呂貴

西湖三祠名賢考畧

七

卷二

代之貴既任條行十事多侵擾一焜疏駁且禁治其爪牙貴爲歛威一焜以暇築龕山海塘千二百丈濬復餘杭南湖民賴其利御史沈珣誣劾其贓

私自引去

明史

明浙江南關工部分司王公在晉

王在晉字明初太倉人萬厯進士除中書舍人轉工部主事杭州抽分轉員外管磚廠清介自持商賈德之歷升江西左布政巡撫山東總督河道進兵部侍郎尙書代熊廷弼經畧遼東後以坐張慶

餘改勅書事削籍歸

六一泉崇祀錄稿本

明浙江按察司提學副使樊公良樞

樊良樞字致虛進賢人萬厯進士令仁和與人推誠開肺腑無所隱徵比以大義勸之不事笞朴民亦感其惻悞爭先輸納厯遷浙江提學以不作魏

璫祠碑解印綬歸

康熙仁和县志

明巡撫浙江都察院左都御史張公延登

張延登字濟美鄒平人萬厯進士崇禎二年巡撫

浙江擢工部尚書左都御史厯仕五十年一任節

鉞三掌邦憲三主大計而家無餘財若吳麟徵馮

元颺祁彪佳夏允彝劉理順先後並出其門

六一泉崇

祀錄稿本

明浙江布政司參政兼按察司提學僉事許公豸

西湖三祠名賢考畧

八

卷二

許豸字玉史侯官人崇禎進士厯戶部郎權潞野

關以美鏹築塘民德之後擢甯紹道增築郡城戢

海寇陳奇老等改督學政時有權璫鎮浙豸抗不

爲禮士有儒服郊迎者立撻之

雍正福建通志

明浙江南關工部分司陳公調元

陳調元字梅臣常熟人崇禎舉人官永康教諭善

作人升武義令攝永康縣多德政厯遷權部構造

六一泉祠宇表彰先賢至今咸頌其功卒年九十

六一泉崇祀錄稿本

皇清杭州府知府張公奇逢

張奇逢字石觀獲鹿人順治舉人知杭州府清釐

六一泉祀典立碑記事

六一泉崇祀錄稿本

皇清巡撫浙江都察院右副都御史朱公昌祚

朱昌祚字雲門滿洲籍高唐人順治十八年以工

部侍郎巡撫浙江清廉沈毅爲政務持大體時浙

中寇盜未息設方畧平之適裁撤巡方重案悉歸

巡撫牽連逮繫者數千人矜全省釋不可勝計溫

台等郡無徵銀糧疏請豁免閩海交訂沿海居民

內徙發帑給田以贍之升直隸山東河南三省總

督爲鰲拜誣陷致死昭雪諡勤愍

乾隆杭州府志

皇清浙江提督學政崔公爾仰

崔爾仰字子高聞喜人順治進士少游元修成公

西湖三祠名賢考畧

九

卷三

之門得其指授沈酣於性理大全諸書明體達用

措諸行事康熙初由銓曹移戶部出爲浙江提學

修繕學校頒示條約申飭月課嚴杜冒濫宿弊悉

除自督撫大吏下至士民皆翕然頌之比至茗溪

以勞瘁邁疾遂卒

張文節公集

皇清巡撫浙江兵部右侍郎兼都察院右副都御史

田公逢吉

田逢吉字凝只高平人順治乙未進士巡撫浙江

當逆藩變軍興旁午籌餉調兵動合機宜訓練將

士嚴行保甲萑苻絕迹計典黜陟賢否悉愜輿情

潔己自矢凡耗羨餽獻皆屏絕暇則與諸生講學

論文多所造就

乾隆杭州府志

皇清總督浙江兵部尚書都察院右副都御史李公之芳

李之芳字鄴園武定人順治丁亥進士任金華推官卓異升刑部主事屢擢至御史出按浙江巡鹽御史被控事洞悉利弊凡不便於商竈者悉除之及出督閩浙耿精忠反窺仙霞嶺之芳馳赴衢州勵戰守策東南半壁得安時浙東山賊蠡起次第討平之疏請蠲恤十六年以前額賦貧民陷賊未歸者悉爲區畫賑往來饑民百餘萬人入爲兵部

尚書進文華殿大學士卒諡文襄

乾隆杭州府志

西湖三祠名賢考畧

十

卷三

皇清巡撫浙江都察院右副都御史趙公士麟

趙士麟字玉峰河陽人康熙甲辰進士二十三年巡撫浙江民爲營債所苦釀成大案士麟移咨將軍掣繳票約捐資代償有衙蠹驕悍不法者置之法強暴斂迹省城內河淤塞近百年士麟治之水道疏通舟楫利便以次繕城隍修書院凡講學興賢重農務本諸政無不具舉陋例亦革除殆盡未幾移撫江蘇升兵部督捕侍郎杭人於西湖敬一書院肖像祀之

乾隆杭州府志

皇清總督浙江兵部右侍郎兼都察院右副都御史

王公國安

王國安字康侯蓋州人康熙二十一年授浙江巡撫整飭漕務清理權稅革鹽政之陋規建河道之隄閘訓兵息民具有條制杭城兵民雜處營債素爲重累捐俸代償焚券息爭杭民頂祝升閩浙總督晉兵部左侍郎乾隆杭州府志

皇清巡撫浙江兵部右侍郎兼都察院右副都御史

金公鉞浙江人則當心未盡康熙五十年

金鉞字宛平人康熙進士五十五年任浙江

巡撫初下車拯水患救火災使人得聚廬而處他如修橋梁建義學葺萬松嶺之孔廟吳山之青嬰堂除蠹鋤豪興利去弊凡有益於地方者無不次

西湖三祠名賢考畧 十一 卷三

第舉行而尤留心化導每朔望親臨學宮頌所著

聖諭解義令司約宣講父老子弟環而聽者數

千浙人蓋莫不蒸蒸向風云康熙杭州府志

皇清總督浙江福建都察院右副都御史王公隲

王隲字幾庵福山人順治乙未進士康熙二十七

年授浙閩總督甫入境聞湖廣亂駐節延平授文

武方畧遙爲聲援楚氛既靖赴任時有不逞之徒

竄名行伍煽惑愚頑擒獲杖斃兇徒解散四境晏

如性清介禁兩省官弁餽送又訪知邊海州縣報

墾荒田多不實及官戶部尙書力請查勘豁免遞

年虛報課銀若干萬兩民免賠累之苦乞休歸卒

年八十二雍正福州府志

皇清提督浙江學政翰林院檢討周公清源

周清源字雅楫武進人以監生召試博學鴻詞

列名第九授檢討督學浙江謙冲下士公明盡職

歲科兩試專場考試古學期得真才尤好表揚先

哲遺行官至工部侍郎六一泉崇祀錄稿本

皇清巡撫浙江都察院右僉都御史張公鵬翻

張鵬翻字運青遂甯人康熙庚戌進士二十八年

巡撫浙江屏絕各官餽遺革除一切陋例於吏治

精密謹嚴事無巨細親為裁決用法公而無私寬

厚有斷情理既得則始終持之確如也雖政事殷

西湖三祠名賢考畧

三

卷三

繁而宣講 聖諭督課士子必躬親之嘗築書院

於萬松嶺廩餼諸生極厚自奉則蔬食菜羹而已

官至文華殿大學士生平於治河最著聲績雍正

三年卒贈少保諡文端乾隆杭州府志

皇清浙江布政使馬公如龍

馬如龍字見五綏德人康熙舉人以部郎督杭北

權尋為杭郡守飲冰茹蘘綱紀肅清纂輯府志四

十卷一時稱之超擢本省按察使旋升布政使濟

荒有惠政尋遷江西巡撫士民謳思建祠以祀乾隆

杭州府志

皇清提督浙江學政翰林院編修鄭公開極

鄭開極字肇修侯官人順治辛丑進士選庶吉士授編修康熙辛未以諭德督學浙江教諸生先行誼而後文章爲人平易近人義有不可毅然形於詞色咸敬憚之後家居四十載年八十重宴鹿鳴

乾隆福  
州府志

皇清浙江錢塘縣知縣黃公在中

黃在中字

昌邑人康熙三十年任

乾隆杭  
州府志

皇清提督浙江學政翰林院檢討顏公光敦

顏光敦字學山曲阜人復聖後裔康熙戊辰進士

由庶常授翰林院檢討三十三年督學浙江杜交

遊絕請托丙夜衡文搜羅寒畯歲進新生肩戶覆

西湖三祠名賢考畧

三

卷三

試有文理荒謬與原卷迥異者黜之並治代倩保結之人試竣入都行李惟圖書敝篋而已引疾歸

卒於家浙士念之專祀西湖春秋致祭

乾隆杭  
州府志

皇清浙江杭州府知府李公鐸

李鐸字天民鐵嶺人廕生康熙三十一年知杭州

府廉介自持謝絕請屬捐募賑饑修築江塘訟簡

刑清兵民安堵在任四年去之日送之者如歸市

乾隆杭  
州府志

皇清提督浙江學政翰林院侍講張公希良

張希良字石虹黃安人康熙乙丑傳臚官侍講庚

午主試浙江識拔多英髦士

六一泉崇  
祀錄稿本

皇清浙江都轉鹽運使高公熊徵

高熊徵字渭南岑溪人順治副榜康熙四十年任浙江都轉運使革除官商陋例公費自爲捐解於正課外不派分毫通商恤竈轉輸自足更以造士爲心捐建紫陽別墅督課諸生振興文教兩署臬篆惟允惟平卒於官蕭然旅櫬商民有歎息泣下者

兩浙鹽法志

皇清巡撫浙江都察院右副都御史趙公申喬

趙申喬字松伍武進人康熙庚戌進士以刑部員外郎家居四十年李光地薦特授浙江布政使

受事三日首革南糧布袋之弊他若加平餽獻兵

西湖三祠名賢考畧

志

卷三

餉挂發一切禁止均山陰坊鄉田畝以絕差徭偏枯甯波黠民倡照地派丁之說與巨室相持檄諭之無敢譁者未踰年升浙江巡撫修築江塘請增中額尋調偏沅巡撫終戶部尙書贈太子太保諡

恭毅建賢良祠

乾隆杭州府志

皇清提督浙江全省水陸軍務總兵官趙公宏燦

趙宏燦字天英甯夏人康熙間由廕生擢甯夏總兵隨父良棟平川尋調浙江黃巖總兵在任九年士皆知方民皆樂業遷浙江提督在任四年三遇

南巡陪預顧問口陳地方利弊軍國事宜悉稱

旨升兩廣總督進兵部尙書卒於官諡敏恪

王

撰墓誌

皇清提督浙江全省水陸軍務總兵官王公世臣

王世臣字 人康熙癸未任浙江提督

賜五爪龍袍加誠實公六一泉崇祀錄稿本

皇清提督浙江學政右春坊右諭德彭公始搏

彭始搏字方川南陽人康熙戊辰進士四十六年

督浙學所甄拔悉寒畯有實學者廉聲上達賜

公明盡職額輿論翕然去之日羣構生祠在錢塘

門外片石居之左一名南陽書院還朝累擢內閣

學士兼禮部侍郎假歸卒乾隆杭州府志

皇清提督浙江學政翰林院檢討吳公垣

西湖三祠名賢考畧 五 卷三

吳垣字雲巖河南人康熙乙丑進士四十八年任

六一泉三堂祠記碑

皇清禮部右侍郎兼翰林院學士康熙辛卯科浙江

正主考官胡公作梅

胡作梅字抑齋荆門人康熙壬戌進士授庶常累

遷少詹事壬午督學陝西振孤寒端士習請託

皇無所徇辛卯典試浙江所拔多宿儒尋升禮部侍

郎王命督軍糧卒於滿珠什利廟同治荆門州志

皇清提督浙江學政翰林院侍講馬公豫

馬豫字 綏德人康熙丙戌進士五十九年任

題名碑

皇清浙江布政使傅公澤淵

傅澤淵字未若滿州鑲黃旗人廕生康熙庚子任

浙江布政使羣頌清廉六一泉崇祀錄稿本

皇清浙江台州府同知署錢塘縣知縣遲公維培

遲維培字人康熙間任台州司馬署錢

皇塘令六一泉三堂祠記碑

皇清巡撫浙江都察院左都御史朱公軾

朱軾字可亭高安人康熙癸酉領解甲戌成進士

選庶吉士改知潛江縣行取授刑部主事累擢至

通政使丁酉巡撫浙江除供億減儀從浙俗婚喪

尚侈靡乃著家儀刻行之陋俗丕變每蚤起治事

西湖三祠名賢考畧

卷三

至夜不休尤矜慎庶獄以雪誣罔嚴察關吏以別

宿弊又疏請海甯等處海塘易石用礎以為浙西

捍蔽庚子召為左都御史屢遷吏部尚書拜文華

殿大學士清德純修望重朝右卒贈太傅謚文端

皇朝先正事畧

皇清總督浙江管巡撫事兼理離政太子太保兵部

尚書兼都察院右副都御史李公衛

皇李衛字又玠豐縣人以監生援例為員外郎雍正

初任雲南鹽驛道許奏事擢浙江巡撫旋以總督

管巡撫事兼理鹽政漕運節制江南浙江性機警

皇遇事敢為才足濟之沿海多盜捕治畧盡嚴禁米

穀出洋俾內地足食兼濟入閩浙西每患水乃導海口濬河港農家行旅便之又請帑金數百萬改建臨海石塘百餘里修浙江通志鹽法志皆成書

調直隸總督卒謚敏達乾隆杭州府志

皇清浙江處州府知府李公洵德

李洵德字雲岡鐵嶺人由胄監援例需次知縣未

任鐫職旋以通曉典例研精筆札上官疏薦引員

見稱為正經明白人授崇仁知縣累官處州知府

乾隆甲申承修六一泉工程整理先賢祠卒後附

主祠內家傳

皇清浙江杭州府同知納公興安

西湖三祠名賢考畧

七

卷三

納興安字滿洲正黃旗人乾隆十五年任理

事同知乾隆杭州府志

皇清提督浙江學政翰林院侍講于公敏中卒於浙

于敏中字叔子金壇人乾隆二年甲子名進士

授修撰十二年以侍講督學浙江奏言浙省生員

遊幕在外欠三考者七十餘人請定限咨催回籍

補考得旨加恩免其黜革尋遷侍講學士入直

上書房歷充各館總裁累擢戶部尚書加太子

太保晉文華殿大學士在軍機處行走辦理平定

金川事務承旨書諭夙夜殫心卒謚文襄國史本

傳

皇清體仁閣大學士前浙江學政贈太傅諡文正朱公珪

朱珪字石君大興人乾隆十三年成進士選庶吉士授編修官至體仁閣大學士薨年七十有六公性孝友端凝純粹於經術無所不通其爲上書房師傅時有所陳說皆唐虞三代之言敷歷中外五十餘年凡所陳奏均得大體前督學浙江取士務求樸學通人寒士必揚其名於朝外僚贈遺悉屏不受清風亮節海內仰之著有知不足齋詩文集

國朝先正事畧

皇清太傅體仁閣大學士前浙江巡撫諡文達阮公

西湖三祠名賢考畧

文

卷三

阮元

阮元字雲臺儀徵人乾隆五十四年成進士選庶常散館第一授編修大考第一擢少詹事官至體仁閣大學士以足疾請告致仕嘉慶二十六年重赴鹿鳴加大傅薨年八十有六公聰明早達敷歷中外兼享大年以經術文章主持風會名位著述洵足弁冕羣材提唱後學其撫浙時捕內匪勦海盜請蠲豁立普濟堂建話經精舍諸善政不可枚舉平生纂修撰述諸書數十種有研經室集

國朝先

正事畧

皇清兵部右侍郎前浙江按察使升布政使秦公瀛

秦瀛字小峴無錫人乾隆丙申舉人獻賦 行在

賜內閣中書擢侍讀遷郎中授溫處道除永嘉以生監充莊長之弊民既免役而賦亦無逋尋升按察使雪難民戢海盜賑水災皆力請於巡撫行之再擢布政使入 覲乞內用官至兵部侍郎引疾歸著有小峴山人集已未詞科錄無錫金匱縣

志淮海公年譜 國朝先正事畧

皇清兵部侍郎前浙江巡撫帥公承瀛

帥承瀛字仙舟黃梅人嘉慶元年一甲三名進士由編修歷官刑部侍郎任浙撫時初改兼理鹽政承瀛清釐積弊乃奏停加價銀五十萬減歲輸外

西湖三祠名賢考畧

九

卷三

款二十萬以抒商困會浙西大雨沒田廬奏發帑截漕又糶倉穀捐俸金以濟民食去時捐裁存備貢費八萬兩爲濬湖葺祠廟書院善堂經費士民感之建生祠於西湖及其歿復置產以永祀事 保覽

齋文錄

皇清太子太保雲貴總督前浙江杭嘉湖兵備道諡

文忠林公則徐

林則徐字少穆侯官人嘉慶十六年成進士選庶吉士授編修補御史授杭嘉湖道修海塘興水利士民德之歷官至雲貴總督引疾歸會粵逆稔亂命爲欽差大臣赴廣西督剿行次潮州薨公性

聰察摘伏如神馭左右嚴然接人以誠人咸樂爲  
之用於政事無不盡心其尤關治亂之數者以辦  
夷務剿粵寇爲最鉅而皆齎志以終此海內士大  
夫所其太息爲天下惜者也

國朝先  
正事畧

皇清工部左侍郎前浙江學政羅公文俊

羅文俊字蘿村南海人道光二年一甲三名進士  
由編修大考擢左庶子累遷至工部左侍郎引疾  
歸自以文學侍從屢掌文柄其視學浙江也絕請  
託杜苞苴所拔識多寒儒宿學素有聲名者又捐  
修詒經精舍增獎賞親校課取其尤者延譽之一  
時爭自濯磨欣欣向上去官後兩浙人士祀其主

西湖三祠名賢考畧

三

卷三

於舍中以配食阮相示不忘也

同治南  
海縣志

皇清兩湖總督前浙江巡撫謚文節吳公文鎔

吳文鎔字甄甫儀徵人嘉慶二十四年成進士選

庶吉士授編修累遷刑部侍郎屢命典試督學

並按事諸行省授福建巡撫調江西又調浙江時

浙中吏治久窳公至察屬吏賢否嚴舉劾風尚一

變遇水災海決問民疾苦力行賑恤蠲豁諸政尋

擢雲貴總督咸豐三年移督兩湖粵賊犯省城固

守解圍帥師進復黃州巡撫遇事陰掣其肘會賊

大至眾驚潰公遂自投塘水死

國朝先  
正事畧

皇清前浙江布政使贈太常寺卿汪公本銓

汪本銓字衡甫陽湖人道光己丑進士官禮部主  
事取軍機章京擬 旨多出其手故政府倚重之  
累遷至順天府尹出爲浙江布政使護巡撫清理  
庫款會計精詳建修石塘民賴其利以親老告歸  
奉 命在籍辦團毀家募勇進佔北固山請助兵  
餉不應以憂憤得咯血症回里病歿

家傳

皇清嚴州府知府丁公壽昌

丁壽昌字頤伯山陽人道光丁未進士授庶吉士  
散館改戶部主事歷員外郎郎中擢福建道監察  
御史疏請量減江浙漕賦以蘇民困同治甲子出  
知嚴州府四年夏大水灌城力籌賑撫以勞瘁卒

西湖三祠名賢考畧

三

卷三

於官著有臺垣疏稿睦州存稿

家傳

皇清福建巡撫前浙江布政使謚清惠徐公宗幹

徐宗幹字樹人江蘇通州人嘉慶進士咸豐七年  
任浙江按察使清理積贖以雪民冤嚴懲強暴以  
除民害九年升布政使值海塘漫口親履督修又  
蛟水爲災勘辦蠲緩以安民業居官廉惠善政不  
一後擢福建巡撫同治五年卒於任

採訪冊

皇清兩江總督前浙江巡撫贈太子太保謚端愍馬

公新貽

馬新貽字穀山萍澤人道光丁未進士以知縣分  
安徽歷任繁劇同治三年由安徽布政使擢浙江

巡撫正己率屬崇實黜浮時兵燹後民困未蘇乃  
奏減丁漕籌辦開墾復疏請興修海塘每月巡視  
察官吏勤惰工料堅窳督修完固民賴以安後任  
兩江總督爲盜匪遺孽挾仇行刺卒於任浙人請  
建專祠

馬公年譜

皇清布政使銜浙江補用道前嚴州府知府戴公槃

仁和孫峻填諱

戴槃字澗鄰丹徒人性孝友善治經學著書經集  
句文賦刊行道光癸卯舉於鄉咸豐初選桐鄉知  
縣歷温州嚴州知府晉監司持守清介所至盡心  
民事培植士類提倡善舉見義必爲同治甲子總

西湖三祠名賢考畧

三

卷三

理清賦核減正額漕糧復建議裁海運津貼減杭  
嘉湖錢糧浮收大蘇民困辛未督修海塘清勤率  
屬成戴鎮翁念尖五汛要工大府疏其績加布政  
使銜以積勞致疾乞歸卒有兩浙宦游紀畧

徐用儀撰

墓誌

男培因校字

振聲

遺愛續增

皇清署浙江糧儲道杭州府知府薛公時雨

薛時雨字慰農全椒人咸豐三年進士以知縣分發浙江歷知嘉興嘉善民相慶得賢父母同治三年授杭州知府兼糧儲道時軍事略定撫流亡抑強暴尤以振興文教為亟修復各書院勸東城講舍以課一郡之士又月課湖舫知名士咸與焉四年充鄉試提調官於闈中告病歸大府聘主崇文書院仍居杭三年多所成就郡人士結廬西湖鳳林寺後名曰薛廬以誌不忘家傳

西湖三祠名賢考畧

三

卷二

林寺後名曰薛廬以誌不忘  
書院仍居杭三年多所成就郡人士結廬西湖鳳  
年充鄉試提調官於闈中告病歸大府聘主崇文  
舍以課一郡之士又月課湖舫知名士咸與焉四  
強暴尤以振興文教為亟修復各書院勸東城講  
年授杭州知府兼糧儲道時軍事略定撫流亡抑  
發浙江歷知嘉興嘉善民相慶得賢父母同治三  
薛時雨字慰農全椒人咸豐三年進士以知縣分  
皇清署浙江糧儲道杭州府知府薛公時雨

遺愛續增

杭州任有容齋刻

